



Hardangerrådet iks



Hardanger

Justis- og beredskapsdepartementet
Postboks 8005 Dep
0030 Oslo
postmottak@jd.dep.no

Uttale frå Hardangerrådet vedr. reversering av domstolsreforma og gjenoppretting av Hardanger tingrett.

Hardangerrådet er regionråd for kommunane Eidfjord, Kvam, Ullensvang og Ulvik. Rådet viser til regjeringa sin uttalte plan om å reversera samanslåing av tingrettar der det er lokale og regionale ønskje om dette. Vi viser her til Hurdalsplattforma:

Regjeringa vil:

- *Gjeninnføre strukturen for domstolane før domstolsreforma av 2021 for å vareta borgaranes rettstryggleik og sikre sjølvstendige domstolar med stadleg leiing, med unntak for domstolar der domstolsleiar, kommunane i rettskretsen og dei tilsette gjennom sine tillitsvalde er samde om å oppretthalde dagens struktur*

Domstolsreforma var ei hasteløysing som følgje av politiske forhandlingar, kor forslaget i utgangspunktet var å legge ned dei mindre tingrettane. All erfaring tilseier at ei slik organisering som no er valt for domstolane legg til rette for ei gradvis nedbygging i distrikta. Hardangerrådet meiner difor at den einaste måten ein kan sikre eit fullgodt domstolstilbod i alle deler av landet på lenger sikt, er å reversere domstolsreforma.

Ordførarane i Hardanger er opptekne av å sikra denne regionen fortsatt gode tenester i justissektoren, både på kort og lang sikt. For å sikre dette må det reetablerast lokal leiing ved tingretten i Hardanger som kan ivareta tenestetilbodet og gjere prioriteringar til fordel for denne delen av fylket.

Å gjenoppretta Hardanger tingrett som sjølvstendig domstol med lokal leiing (sorenskrivar) vil styrkja innbyggjarane i regionen sin rettstryggleik gjennom auka nærleik, tilgjenge og lokalkunnskap.

Hardangerkommunane håper at Regjeringa gjennom denne reverseringa legg til rette for at alle tingrettar, uansett storleik, får tilført ressursar og handlingsrom slik at dei vert sett i stand til å utføre sitt samfunnsoppdrag på ein god måte uavhengig av geografisk plassering. Den tredje statsmakt må vera til stades for folk i heile landet.

Regionrådet har med bakgrunn i ovannemnde fatta slikt samrøystes vedtak:

Hardangerrådet ber regjeringa gjenoppretta Hardanger tingrett.

Kinsarvik, 8. november 2021

Med fruktbar helsing frå Hardangerrådet

Eidfjord kommune
Anders Vatile
ordfører

Kvam herad
Torgeir Næss
ordfører/rådsordfører Hardangerrådet

Ullensvang kommune
Roald Aga Haug
ordfører

Ulvik herad
Hans Petter Thorbjørnsen
ordfører